



In Nomine Sanctissimæ Trinitatis.



Xortis quibusdam diffidijs inter Exercitum auxiliarem Saxonicum Sac: Reg: Majestatis Domini Nostri Clementissimi ab una, & Confœderatos Palatinatus & terras Minoris Poloniæ, scilicet Palatinatum Cracoviensem cum Ducatu Oswiecimensi, & Zatorienfi, Palatinatum Sendomiriensem, Palatinatum Ruffiæ, Terras Chelmensem, & Halicensem, Palatinatus Volhyniæ, Lublinensem, Belzensem, & Braclavia, atq; Exercitum Regni in nexu permanentem, ab alltera parte: & intervenientibus postea Excellentissimorum & Illustrissimorum DD. Palatinorum, Podoliæ & Czerniechoviæ, ab intermedio Ordine Senatorio Leopoli degente pro mediatione destinatorum, studijs, pro pacificandis rebus & impedienda ulteriori effusione sanguinis, & inde emananti desolatione Patriæ adhibitis; quibus accessit cura & sollicitudo Excellentissimi & Illustrissimi Domini, Comitis à Flemming, Supremi Stabuli Præfecti Magni Ducatûs Lithvaniæ, & Campi-Ducis Exercitus Saxonici Sac: Reg: Majestatis, pro restabilienda tranquillitate publica; tandem divinâ assistente gratiâ eò perventum est, ut post concessum & prolongatum aliquoties armistitium, Ravæ ad Tractatum

B

inter



inter partes differentes processum sit, ubi expeditis & constitutis in hunc finem ab utraq; parte Mediatoribus, Excellentissimis & Illustrissimis Dominis, Domino Palatino Podoliae, Domino Palatino Czerniechoviae, & Domino Campi-Duce Saxonico, delegatisq; Commissarijs ad tractandum, & quidem ex parte Exercitus auxiliaris Saxonici Sacrae Regiae Majestatis Domini Nostri Clementissimi, Illustribus & Magnificis, Domino Barone de Goltz, Starosta Szredensi, Generali Locum tenente Peditatus, & Domino Comite Sapieha, Notario Magni Ducatus Lithvaniae, Generali Locum tenente Equitatus praedicti Exercitus Sacrae Regiae Majestatis; Ex parte vero Illustrissimorum Palatinatum Confederatorum & Exercitus Regni Coefederati, Illustribus & Magnificis Dominis, Domino Rosnowski, Capiteo Lascoviensi, Domino Koc, Judice Terrestris Belzensi, Domino Czacki, Dapifero Volsyniae, Domino Draminski, Dapifero Belzensi, Domino Olecki, Capiteo Szmeltinensi, Domino Kielczewski, Dapifero Lublinensi, Domino Dembinski, Locumtenente Cohortis Loricatae, Domino Gosuchowski, Colonello Exercitus; ab utraq; parte plenipotentijs ad concludendum sufficientibus instructis, quorum tenor sub fine hujus Instrumenti annexus, Tractatus conclusus est de tenore subsequenti.

ARTICVLVS I.

Postquam ex parte Exercitus auxiliaris Sacrae Regiae Majestatis deductum est, eundem exercitum nullatenus intentione laedendi Jura & immunitates Reipublicae, aut eandem opprimendi in Poloniam intrasse & ibidem substituisse, sed propter urgentem necessitatem belli in fundamento legum
pro

pro bono & defensione Reipublicæ introductum
fuisse, & eidem fidelia & proficua obsequia præ-
stitisse; Deniq; eundem non contra libertatem, sed
pro defensione Majestatis & libertatis, quàm per
ultimos motus & aggressionem violentam Exerci-
tûs sui læsam esse supposuerunt, vim vi repellendo,
operam navasse. Ex parte verò prædictorum Pa-
latinatum Confœderatorum & Exercitûs in nexu
subsistentis explicatum fuit, se unicè zelo & scrupu-
lo libertatis ductos, quam per mansionem copi-
arum auxiliarium in Regno & exactionem subsi-
stentiæ pro iisdem, læsam esse senserunt, ad nexum
Confœderationis processisse, & libertatem tuendo,
nihil unquàm contra Personam & regimen Sacræ
Regiæ Majestatis feliciter regnantis, aut violatio-
nem seu postpositionem Jurium Majestatis inten-
disse, quin potiùs inter prima fundamenta Confœ-
derationis suæ, tuitionem Majestatis posuisse; de-
clarando insuper, quod & in futurum quoq; Jura
Cardinalia Majestatis & Reipublicæ, imprimis ve-
rò Jus manutenendæ liberæ Electionis in persona
prædictæ Sacræ Regiæ Majestatis Domini Nostri
Clementissimi, perpetuò manutene, & contra
omnes perturbatores aut infractores hujus Juris,
seu ejusdem usurpatores & fautores, inhærendo ju-
ramenti in hanc rem in anterioribus Comitij &
omnibus alijs actibus legitimis, quæ facta tecta te-
nere promittunt, præstitis, insurgere volentes, fa-
ctiones seu cointelligentiam cum Rege Sveciæ &
alijs Principibus exteris non habent, nec habebunt
aut fomentabunt, sed talia directè aut indirectè,
clàm aut palàm foventes, in quantum eos rescive-
rint, detegent, & contra eosdem & eorum asse-
clas, tanquam contra hostes Patriæ procedent; id
quod præsentî Instrumento, sub vinculo Jurisju-
randi spondent.

Insuper verò visum est, utraq; ex parte, materias primarias modernarum inter partes differentiarum, evacuationis scilicet copiarum auxiliarium Sacrae Regiae Majestatis & dissolutionem nexûs ambarum Cōfederationum, Palatinatum nempe & Exercitûs, in Comitijis ordinarijs Generalibus à Sacra Regia Majestate jam declaratis & proximè celebrandis exequenda esse.

Hinc remittitur illuc plenaria dissolutio prædicti nexûs cum reditu Exercitûs ad obedientiam Illustrissimorum Ducum, cum extraditione Manifesti Tarnogrodia editi & aliorum Scriptorum & Actorum ad hunc nexum pertinentium in futuris Comitijis producendorum & abolendorum.

Remittitur quoq; illuc satisfactio punctorum & prætensionum utriusq; partis, in manibus Excellentissimorum & Illustrissimorum Dominorum Mediatorum permanentium, cum satisfactioe & securitate Sacrae Regiae Majestatis & Reipublicae.

Et quoniam Excellentissimus & Illustrissimus Campi Dux, Comes à Flemming Plenipotentiam à Sacra Regia Majestate ratione evacuationis hic & nunc producendam non habet, sed tamen de intentione Sacrae Regiae Majestatis optimè instructus, scit, Sacram Regiam Majestatem pro teneritudine affectûs Paterni, quò Rempublicam semper profecuta est, ad nullum alium finem, nisi ad finiendam quantocyus cum honore Suae Majestatis & gloria Nominis Poloni, nec non suo & Reipublicae emolumentò, bellum Sueticum, sibi & ditionibus suis hæreditarijs gravissimum, copias suas auxiliares in ditiones Regni sui introduxisse, nihil magis optans, quàm ut vota populi sui, ratione evacuationis copiarum auxiliarium exaudire posset; Idèò Excellentissimus & Illustrissimus Comes à Flem-

à Flemming bona fide & verbo honoris spondet, se obtenturum affecurationem Sacræ Regiæ Majestatis super totalem evacuationem copiarum suarum, tam ex Regno Poloniæ, quàm ex Magno Ducatu Lithvaniæ & alijs Provincijs annexis & fortalitijs cum præfixione temporis, affecurationemq; Regiam ad manus Excellentissimorum & Illustri-
simorum Dominorum Mediatorum, ante Comitiola, generalia Comitia præcedentia, cum declaratione, easdem copias auxiliares nunquam amplius introducendi, appromittit.

Reciproce verò Domini Commissarij Plenipotentes Palatinatum & Exercitûs Confœderatorum, itidem fide bonâ & verbo honoris promittunt, Palatinatus suos apud Rempublicam, pretio integræ evacuationis ex tota Polonia, & Magno Ducatu Lithvaniæ & annexis Provincijs, obtenturos, ut SERENISSIMUS REX à Republica, totâ eâdem consentiente, à præstationibus, onere & obligatione præsentis belli, respectu Regni Poloniæ & annexarum Provinciarum in proximis Comitijs, prævisâ sufficienti securitate Sacræ Regiæ Majestati & Reipublicæ, liber pronuntietur & dissolvatur. Cujus promissionis affecurationem, necnon sponsonem de dissolvendo nexu Confœderationis Palatinatum & Exercitûs in proximè futuris Comitijs exequendam, Domini Commissarij prædictorum Palatinatum & Exercitûs à Principalibus suis, ad manus itidem Excellentissimorum & Illustri-
simorum Dominorum Mediatorum ante Comitiola, Comitia Generalia præcedentia remittere appromittunt.

B

ARTI-

ARTICVLVS II.

INterim spondetur ex nunc concordia & amicitia firma inter exercitum auxiliarem Saxonicum Sacræ Regiæ Majestatis & prædictos Palatinatus Confœderatos minoris Poloniae, nec non Confœderatum exercitum Regni, sepositis & sublatis omnibus hostilitatibus, guerris & violentijs omnis generis, concessâ securitate plenariâ cujuscunq; dignitatis vel Statûs Magistratibus, Officialibus, Nobilibus, Militibus & alijs personis, eorumq; bonis utrâq; ex parte, nihil excipiendo, tam in domibus illorum, quàm in castris, aut alibi cum libera ubiquè eundi & redeundi facultate, & liberrimo cursu postarum publicarum, rhedarum & commerciorum, itidemq; ex utrâq; parte.

Divisio quoq; Excellentissimi & Illustrissimi Domini Palatini Culmensis, per mandatum Illustrissimi supremi Ducis Regni, ad latus Regium ordinata, & nunc apud Exercitum auxiliarem Sacræ Regiæ Majestatis permanens, ulterius quoq; ad mandata Sacræ Regiæ Majestatis permanebit, atque ea propter cum suis Regimentarijs, Generalibus, Officialibus, Commilitonibus & militibus, cujuscunq; nationis, neminem excipiendo, per omnia, imprimis quoad securitatem in præsentî tractatu comprehenditur.

ARTICVLVS III.

Conventum est porrò, ut expediantur quanto-cyus legationes ad Sacram Regiam Majestatem, & quidem

i. *Ex Senata*, Supplicando, ut Sua Majestas recipiat in sinum Paternæ gratiæ suæ Confœderatos Pa-

lacinatus

latinatus atq; Exercitum, & annuat benignissimè supplicationibus ejus.

II. *A confœderatis Palatinatibus*, excusando factum & exponendo optimam intentionem suam circa tuitionem Majestatis atq; supplicando, ut Sacra Regia Majestas dignetur quàmprimùm declarata Comitia instituere, in quibus provideretur abundè securitati Scrae Reg: Majestatis & Reipublicæ.

III. *Ab exercitu Regni Confœderato*, deprecando facta, & supplicando veniam Serenissimi Principis.

ARTICVLVS IV.

ET quoniàm copiae auxiliares Sacrae Regiae Majestatis Saxonicae in ditionibus & Provinciis Reipublicae subsistentes ante exitum suum, qui propter rigorem hyemalis temporis, ad movenda castra intempestivi, & alias rationes hic & nunc fieri non potest, sinè alimentatione necessaria in obsequio retineri non possunt, hinc praedicti Palatinatus Confœderati, subveniendo necessitati huic, amore pacificandarum rerum, & pretio promissae evacuationis proximè subsecuturæ, concedunt ex suis Palatinatibus Confœderatis, pro sustentatione praedicti exercitus auxiliaris alimentationem, cujus qualitas & quantitas, nec non mensura ad triginta ollas seu Garniec, per quemlibet modium computando, cum pretio ad proportionem septemdecem Tynsonum ex fumo quolibet determinatur.

Quæ quidem proportio juxta Tariffam anni 1661. à Commissoriatu Sacrae Regiae Majestatis Illustrissimorum Palatinatum hic praesentibus Dominis Commissarijs plenipotentibus extradendam, in tribus terminis, quorum primus constituitur *1ma Februarij* a. c. de septem Tynsonibus, secundus, *1ma*

Martij a. c. de quinq; tynfonibus, & tertius die
3tia Aprilis, a. c. 1716ti de quinq; tynfonibus, ex
prædictis Palatinatibus, neminem excipiendo aut
libertando, sine ulla diminutione in integro com-
portandis.

Cavendo, quod pro tynfonibus omnis alia mo-
neta, secundum valorem & currentiam Regni com-
putando 38. grossos pro tynfone, talem pro sex
tynfonibus & sextante, Ungaricum aureum pro 13.
Tynfonibus & sextante uno, necnon prospiciendo
quod olla seu *gárniec* à Commissariatu insignita
extraderetur, secundum quem receptio naturalium,
sine ulla alia aggravatione fiet, & stipulando insuper,
quod ultra supra expressam alimentationem 17.
Tynfones per annum efficientem, nihil prætende-
tur circa receptionem aut quietationem ejusdem.

Item quod executiones, quibus omnis securitas
promittitur, præcis tynfonibus & sextantibus e-
xecutorialibus, ultra pabulum & victum naturalem
nihil prætendent.

Declaratur denique, quod pecuniæ à prædictis
Palatinatibus post diem 1mam Januarij a. c. Exer-
citus auxiliari jam exsolutæ, in prædicta proporti-
one alimentationis 17. Tynfonum compensabuntur.

ARTICVLVS V.

Post acceptam modò dictam alimentationem,
Exercitus Sacræ Regiæ Majestatis ex prædictis
Palatinatibus Minoris Poloniae, nihil amplius præ-
tendet, sub quocunq; nomine & vocabulo, neque
itineris seu exitus sui causâ, pro quo ex sæpe di-
cta massa alimentationis, impensas faciet suo sum-
ptu, sine ulteriori molestia exhausti populi, & ex
illis Palatinatibus, qui quotam partem suam ex-
solverunt, protinus exibat. Prout

Prout etiam promittitur, non nisi ad proportionem memoratæ alimentationis Regimina Exercitûs Auxiliaris in hac regione permansura fore, cætera verò statim in alios Palatinatus educenda, & ultimario in termino evacuationis, directa viâ ad ditiones suas transfudenda esse.

ARTICVLVS VI.

UT verò in causis supervenientibus, res eò promptius decidi possint, hinc ad dijudicandas querelas ratione proportionis alimentationis ab Exercitu ultra assignationem, modo aliarum defensarum, & superius nominatarum extorsionum perceptæ, vel à Palatinatibus secundùm declarationem presentem non comportatæ, nec non ratione criminum & excessuum, quæ ab utraq; parte committi possent, præsertim ratione latrociniorum, quæ in stradis & vijs patrantur, dijudicandorum, formabitur iudicium compositum Jarossaviæ, ad quod Sacra Regia Majestas D. N. C. unum ex Senatoribus pro Præside delegabit, Palatinatus verò Confœderati & Terræ, quilibet unum Commissarium mittent, Exercitus autem Auxiliaris parem numerum ex Officialibus suis constituet. Qui Commissarii unius vel plurium absentia non obstante, dummodo sex præsentés sint, pari ab utrinq; numero, causas supervenientes dijudicabunt.

ARTICVLVS VII.

CAvetur porrò, quod deposita, quæ pronunciamur Zamoscij, aut alibi inveniuntur, statim post comportationem primi termini, prædictæ summæ

C

ali-

alimentationis septem Tynfonum, veris proprietarijs & Dominis suis salva restituentur, exceptis frumentis, quæ omnia jam in usum Exercitus repartita sunt. Tormenta bellica quoq; & Acta Tribunalis Regni Lublinensis, in Zamosc existantia eodem tempore, quò evacuatio fiet, restituentur.

Interim aditus ad prædicta Acta Tribunalitia, cuilibet liber permittitur, Actaq; sub dispositione eorundem Officialium, sub quibus hæctenus fuerunt, permanebunt.

ARTICVLVS VIII.

HYbernarum ex lege publica, integro Exercitui Regni debitarum, per Deputatos exactio, ab Exercitu Auxiliari in Regno nullatenus impiedietur.

ARTICVLVS IX.

STativa & consistentias idem Exercitus, nexu Confæderationis nondum solutus, habebit in Palatinatibus Vofhyniæ, Braclaviæ, & Kijoviæ, partim pro evitandis omnibus collisionibus, partim ne Palatinatus nimium aggraventur transitibus; sed ut primùm Exercitus Auxiliaris Sacræ Regiæ Majestatis ex Palatinatu aliquo post perceptam alimentationem supra dictam exiverit, liberum erit Exercitui Regni in illos Palatinatus evacuatos, pro commodiori locatione movendi, & stativa sua extendendi. Stativa verò Exercitus Auxiliaris Sacræ Regiæ Majestatis erunt in principio in Palatinatu Podoliæ, Terra Leopoliensi, & Halicensi.

A R-

ARTICVLVS X.

Nentra pars immisceat se dispositionibus bonorum mensæ Regiæ, Salisfodinarum, & Oeconomiarum, aut Teloneorum Sacræ Regiæ Majestatis & Reipublicæ.

ARTICVLVS XI.

Non potuit recusare Excellentissimus & Illustrissimus Dominus CampiDux Comes à Flemming, quin Palatinatibus Confœderatis ad iteratas eorum instantias promitteret, se apud Sacram Regiam Majestatem instare debere, ut sua Majestas officia quàm efficacissima eò interponat, ut Exercitus Russicus S. Czareæ Majestatis quantocyus expeditionibus Reipublicæ educatur: utq; Sacra Regia Majestas apud fœderatos suos de fine & fructibus præsentis belli instet.

ARTICVLVS XII.

Conditionatum quoq; est per expressum ab Excellentissimo & Illustrissimo Domino CampiDuce Comite à Flemming, ut Excellentissimi & Illustrissimi Domini Mediatores, Palatini Podoliæ & Czerniechoviæ, quantocyus ad Sacram Regiam Majestatem cum relatione præsentis transactionis festinent, necnon aliqui ex parte Dominorum Confœderatorum, vigore legationum, supradictarum.

ARTICVLVS XIII.

Captivi utraq; ex parte ubicunq; fuerint, ex nunc libere dimittentur. AR-

ARTICVLVS XIV.

EXcellentissimus & Illustrissimus Dominus Cam-
EpiDux Comes à Flemming, universalia ad
omnes Palatinatus & Terras confœderatas ex Can-
cellaria sua extradi jubebit, ad promulgationem
hujus tractatus, ut sit omnibus Incolis habitanti-
bus in Villis & subditis eorum, nec non mercato-
ribus omnis generis securitas provisa, sine ulla de-
paſtatione, nec non liber transitus sine intercepti-
one suppellectilium, boum, equorum & jumento-
rum. Ut nundinæ quoq; sint securæ & vecturæ,
imprimis in via ab Exercitu Auxiliari Sacræ Re-
giæ Majestatis. In quam rem ordinationes quoq;
ad Regimina tam in Palatinatibus Confœderatis,
quàm non Confœderatis degentibus, dabuntur. Vi-
cissim autem à Palatinatibus Confœderatis & Exer-
citu Regni, in nexu permanente Exercitui auxiliari Sa-
cræ Regiæ Majestatis appromittitur, ut sit omnis
securitas prædicto Exercitui, & omnibus ad eun-
dem spectantibus, nec non mercatoribus omnis ge-
neris, cum libero transitu, sine interceptione, iter
facientibus, omnis conditionis hominibus, ut &
equis & vecturis, atq; suppellectilibus eorundem,
non impediendo aut prohibendo ullo modo extra-
ditionem Exercitui prædicto Sacræ Regiæ Majesta-
tis alimentorum in naturâ vel in pecunia, uti su-
prâ dictam est, in omnibus Palatinatibus tam Con-
fœderatis supra nominatis, quàm cæteris, & uni-
versalia ad sistendum hostilitatem à Palatinatibus
promulgabuntur; in Exercitu verò confœderato
ordines in hunc finem dabuntur. Finaliter utraq;
ex parte promittitur, quòd articuli supra dicti o-
mnes & singuli cum omnibus eorum punctis &
clausulis mutuò ac reciprocè stipulatis, bonâ fide,
& exactè ab utrinque observabuntur.

In quo.

In quorum fidem præfens Instrumentum in duplo confectum, & ab Illustribus & Magnificis Dominis Commissarijs Plenipotentibus utriusque partis, appositis sigillis eorundem subscriptum, & cuilibet parti exemplar Authenticum, pro ratificatione Principalium suorum extraditum est. Quod ab Excellentissimis & Illustrissimis Dominis Mediatoribus in vim gvarantiæ mutuæ ab utraque parte conclusorum subscribetur. Actum Ravæ, die 18. Mensis Januarij. Anno Domini 1716.

Franciscus Joachimus de Goltz Sveden. Norodwor- scensis Capitaneus, S. R. M. Generalis locum tenens, Plenipotentiaris Exercitûs auxiliaris Saxonici. (L. S.)

Nicolaus Roznowski, Capitaneus Laskovien. Generalis Marechalcus Palatinatus Russiæ, Commissarius & Plenipotentiaris à Republic. Confœderata. (L. S.)

Michâel Franciscus Comes Sapieba, Notarius Căpestris Magni Ducatûs Lithuania, Sacræ Regiæ Majestatis Generalis locum tenens, Plenipotentiaris Exercitûs Auxiliaris Saxonici. (L. S.)

Nicolaus Josephus Koc, Judex Terrestris Belzensis, Commissarius & Plenipotentiaris à Republica Confœderata. (L. S.)

Michâel Hieronymus Czacki Dapifer Volhyniæ, Commissarius & Plenipotentiaris à Rep. Conf. (L. S.)

Franciscus Dramiński, Dapifer Belzensis, Commissarius & Plenipotentiaris à Republica Confœderata. (L. S.)

Albertus Ołędzki, Szmel- tinenensis & Brzclaviensis Capitaneus, Cohortis hastatæ Præfectus, Commissarius & Ple-

D

Es Plenipotentiarius ab
Exercitu Confœd. (L. S.)

Thomas Skarbek Kiel-
czewski, Dapifer Lublin.
Cohortis Loricatæ Præse-
ctus, Commiss. Es Plenip.
ab Exercitu Conf. (L. S.)

Petrus Dembiński, Po-
cillator Culmens. Præfectus
Cohortis Loricatæ, Com-
miss. Es Plenip. ab Exer-
citu Confœd. (L. S.)

Alexander Daniel Gotu-
chowski Colonellus S. R. M.
Commiss. Es Plenipot. ab
Exerc. Confœd. (L. S.)

Nos infra scripti, Tractatum huic Instrumento
ratificatorio annexum Ravæ sub dat 18. Mensis
Januarij, Anno Domini 1716. inter Exercitum Sa-
cræ Regiæ Majestatis Auxiliarem, & Palatinatus
Confœderatos Minoris Poloniæ, atquè Exercitum
Regni Confœderatum, per Commissarios Plenipo-
rentes utriusq; partis confectum, & subscriptum,
in omnibus suis punctis & clausulis, nomine præ-
dicti Exercitus Auxiliaris Sacræ Regiæ Majestatis
Domini Nostri Clementissimi ratificamus & obser-
vationem ejusdem exactam ex parte dicti Exerci-
tus Auxiliaris Sacræ Regiæ Majestatis præsentibus
bonâ fide appromittimus. Dabantur in Oppido
Zolkiew, die 20. Mensis Januarij. Anno Dñi 1716.

Jacobus

Jacobus Sigismundus Rybiński, Palatinus Culmē-
fis, Generalis Artillerie Regni, nomine totius Exercitus Auxiliaris. S. R. M. | de Baudis,
im Nahmen der gantzen Armee.

(L. S.)

Johan Adolph Hertzog zu Sachsen Weisensfels im Nahmen der Cavallerie und Dragoner. | Seiffan an nom de L^r infanterie & artillerie.

(L. S.)

Nos infrà nominati Mediatores Tractatum Ravenfem suprà scriptum, in vim gwarantijæ mutud ab utraq; parte conclusum, confirmamus, Dabantur Leopoli, die 24. Januarij. Anno Domini 1716.

Stephanus Humiecki, Palatinus Podolie, Mediator ex Senatu ab utraq; parte. | I. H. Comss & Flemming,
Supremus Præfectus Stabuli M. D. L. Mediator ab utraq; parte, requisitus &

(L. S.)

Franciscus C. Zaluski, Palatinus Czerniechovien-
fis, Mediator ex Senatu ab utraq; parte. | Regiâ Plenipotentia post a-
ctum munitus.

(L. S.)

(L. S.)

D 2

Nos



Os Senatores, nec non Supremus & Campestris Exercituum Regni Duces, Leopoli praesentes. Cum spectando fata Reipublicae augeri & praecipitari magis ac magis in dies, potissimum ex occasione caeptarum inter Illustrissimos Palatinatus, Exercitumq; Regni Confoederatos, & Exercitum S. R. M. Domini Nostri Clementissimi, Saxonicum, collisionum & hostilitatum; praemissâ maturâ deliberatione, de medijs succurrendi extremis Patriae malis exinde secuturis, implendo obligationem Ordinis intermedij, mediationis partes in nos assumpserimus: & jam auspice DEO in actualem praedicti operis negotiationem descenderimus, per expetitos e medio nostro, Illustrissimos & Excellentissimos Podoliae & Czerniechoviae Palatinos ad partes belligerantes, & post susceptum pro zelo & amore communis boni hocce in se munus expeditos cum instrumento inchoandi operis, sicuti favente Numine, ingentibus curis praefatorum Illustrissimorum & Excellentissimorum Palatinorum conclusa felicissime praeliminaria.

Ut assumpta à nobis negotiatio restaurandae pacis Reipublicae optatam possit habere coronidem, eosdem Illustrissimos & Excellentissimos Podoliae & Czerniechoviae Palatinos probatae jam dexteritatis hoc in puncto Viros, repetita vice expetijmus, ut bene pro se caeptum opus saluberrime perficere dignentur. Suscipientesq; svadente summo in publicum amore, iterum paciscendi Provinciam expeditimus, cum plenissima ab omnibus nobis praesentibus agendi, tractandi, & concludendi atq; finaliter ac feliciter saluberrimeq; tranquillitatis & pacis votivae opus cum praenominatis Illustrissimis Palatinatibus, Exercitumq; Regni, nec non cum Illustrissimo & Excellentissimo Domino Comite de Flemming, Praefecto Stabuli M. D. Lithv., Exercitusq; Saxonici Campi Ductore. Quodcunq; autem praefati Illustrissimi & Excellentissimi Podoliae & Czerniechoviae Palatini cum praedictis partibus deciderint, statuerint, & concluderint, id omne nos pro rato & grato accipere, & ut tale manutenere tueriq; declaramus, & assecuramus praesentibus. Datum Leopoli, die 5. Januarij. A.D. 1716.

Ioannes Marlch, Archiepiscopus Leopoliensis, nomine praesentis Senatûs.
(L.S.)

*Comes Sieniawski,
C. C. S. E. R. P. D.*
(L.S.)

Copia

*Copia Plenipotentiæ ex parte Palatinatum
Confœderatorum, & Exercitûs Regni
Confœderati.*

QVandoquidem ex consilio Illustrium, M. M. Senatorum Leopoli peracto, paciscendarum inter Nos & Exercitum Regni ab una, & copias Saxonicas exortarum querelarum ab altera, non vana spes affulsit, scilicet; dum Illustrissimi & Magnifici, Stephanus à Ryth Humiecki Podolix, & Franciscus in Załuskie Załuski Czerniechowix Palatini, à Republica & Exercitu Regni: Excellentissimus & Illustrissimus verò Dominus Jacobus Henricus Comes à Flemming, Stabuli M. D. L. Præfectus, Exercitus Saxonici Campi Ductor, in se mediationem susceperere, quos Nos pro veris & indubitatis Mediatoribus agnoscendo, delegavimus à Republica nostra Deputatos ad tractatum Ravæ expediendum, Illustrem & Magnificum Dominum Nicolaum Rosnowski, Capitanum Laskoviensem, Marefchaleum Generalem Palatinatûs & Terrarum Russiæ, Magnificum Koc, Judicem Terræstrem Beżenssem. Magnificum Michæelem Czacki, Dapiferum Volhyniæ, Magnificum Draminski, Dapiferum Beżenssem, Magnificum Olędzki, Capitanum Szmeltinenferm, Magnificum Kielczewski, Dapiferum Lublinsensem, Magnificum Dembinski, Locum tenentem Cohortis Loricatæ, & Generosum Gosuchowski, Exercitus nostri Colonellum. Danter & concedentes illis plenariam facultatem tractandi, resolvendi & concludendi, quidquid in commodum Reipublicæ nostræ & Exercitus nostri viderint, Nos pro rato & grato habituros.

Cætera activitati prudentiæ & obligatæ eorum conscientiæ committimus.

Datum Wlodimitiæ, die ima Januarij A. D. 1716.

(L.S.) S. Ledochowski, P. K. (L.S.) J. Branicki S. B.
M. G. C. Rzpcey. M. W. Rp.

E

Copia

*Copia Plenipotentiæ ex parte Exercitus
Auxiliaris, Sacræ Regiæ Maiestatis.*



Vandoquidem post differentias inter exercitum Auxiliarem Sacræ Regiæ Maiestatis D. N. C. atq; Illustrissimos Palatinatus Minoris Poloniæ Confœderatos, necnon Exercitum Regni Confœderatum, exortas, ut ad repræsentationem ab Excellentissimis & Illustrissimis Dominis Palatinis Podoliæ & Czerniechovia factam, necnon ad persvasionem Excellentissimi atq; Illustrissimi Domini Campi Ducis, Comitis à Flemming.

Nos Generales, Colonelli, aliq; omnes, Officiales, Regimina, Cohortes, & universus Exercitus Auxiliaris Sacræ Regiæ Maiestatis, D. N. C. armistitium propositum acceptaverimus, & ad plenarios quoq; pacis tractatus, promisimus. Hinc acceptata mediatione prædictorum Excellentissimorum & Illustrissimorum Dominorum Palatinorum Podoliæ & Czerniechovia, & Cæterorum DD. Senatorum, qui huic mediationi accedere voluerunt, Excellentissimorum atq; Illustrissimorum Dominorum, Domini Comitis à Flemming, Supremi Stabuli M. D. L. Præfetti, tanquam Campi Ducis Nostri, & Domini Palatini Culmensis Rybinski, tanquam Generalis Equitatus nostri, ex parte Exercitus Auxiliaris. Damus plenam potestatem, atq; facultatem Perillustribus atq; Magnificis Dominis, Domino Baroni de Goltz, Capitaneo Szedensi, Generali Locum tenenti Peditatus, & Domino Comiti Sapicha, Notario M. D. L. Generali Locum

cum tenenti Equitatus nostri, tanquam expetitis
Commissariis atq; Deputatis ex parte Illustrissimo-
rum Palatinatum Confoederatorum, & Exercitus
Confoederati, tractandi, & concludendi, promitten-
tes nomine supra dicti Exercitus Auxiliaris, Sacrae
Regiae Maiestatis, omnia quae a dictis Dominis
Commissariis conclusa fuerint, ab Exercitu Auxili-
ari, pro rato & grato habita fore. In quorum
fidem praesentes literas Plenipotentiae, nomine to-
tius Exercitus nostri, Generalibus & Commendan-
tibus nostris subscribere, & Sigillis suis munire
commisimus. Dabatur Ravae, die Januarii.
A. D. 1716.

(L.S.) *de Baudis,*
im Nahmender
gätzen Armee.

(L.S.) *Seissan,*
an nom de L^e in-
fanterie & ar-
tillerie.

(L.S.) *Iohan Adolph Hertzog*
zu Sachsen Weisensfels im
Nahmen der Cavallerie
und Dragoner.



In Nomine Sanctissimæ Trinitatis.



... quibusdam diffidijs in-
 ... exercitum auxiliarem Saxo-
 ... n Sac: Reg: Majestatis Do-
 ... Nostri Clementissimi ab u-
 ... & Confæderatos Palatinatus
 ... ras Minoris Poloniæ, sci-
 ... ientem cum Ducatu Oswie-
 ... Palatinatum Sendomirien-
 ... æ, Terras Chelmensem, &
 ... s Volhyniæ, Lublinssem,
 ... e, atq; Exercitum Regni in
 ... lltera parte: & interveni-
 ... cissimorum & Illustrissimo-
 ... Podoliæ & Czerniechoviæ,
 ... Senatorio Leopoli degen-
 ... inatorum, studijs, pro pa-
 ... edienda ulteriori effusione
 ... ananti desolatione Patriæ
 ... lit cura & sollicitudo Ex-
 ... limi Domini, Comitis à
 ... abuli Præfetti Magni Du-
 ... mpi-Ducis Exercitus Saxo-
 ... is, pro restabilienda tran-
 ... em divinâ assistente gratiâ
 ... oost concessum & pron-
 ... titium, Ravæ ad Tractatum
 ... B inter

BIBLIOTHECA
 NICKAVIANA

